

甌北集

阮

北

集

甌北集卷二十八

癸卯
甲辰

白鬚

陽湖

趙翼

雲松

無鬚與有鬚人生一界限鬚黑到鬚白又是一關鍵先
生從不把鏡照自覺心情尙年少友朋諛我方精強妻
孥慰我未耄耄一朝偶對菱花看不謂竟作如此貌昔
從衆黑中見白今從衆白中見黑雖有數莖尙帶蒼恐
亦難堅後凋色欲學拔都染先愁塗抹作鬼臉欲效子
由拔擢髮難數不勝殺欲鑿孔更栽恐帶馬尾混上頭
欲囊帛遮醜又嫌牛胡掛在口不如且聽他留伴兩髭
華塵談助罪清玉屑牙慧增吐艷雪花掀來色映白題

舞撚斷詩推白戰家既已白之謂白矣何必元之又元
耶羅幃縱嫌陸展面滅燭以後看不見團扇或畫放翁
狀可少幾縷銀絲颺清晨引鏡重自看姑妄言之作笑
端倘然出山作相去省服地黃蘆葍丸

讀史

一剎那間便一生何須恩怨苦分明老來自笑猶閒氣
動爲前人抱不平

過城東小桃園

重過桃園跡已陳花陰依舊錯如鱗傷心紅雨亭邊路
只見桃花不見人

麟使伊公枉招賦贈

班聯清切出東華再到邦江駐使車
五色雲邊新蕩節
二分月下古梅花
舫齋有暇常題筆
鈴閣無聲早放衙
點綴平山風景好待供
宸賞進流霞

方預備
南巡

赴真州樂儀書院卽事

白髮蕭蕭已菊簪忽膺講席赴江潯
出身我本村夫子
虛望人推舊翰林
無復旌麾前隊色
敢羅絲竹後堂音
老來踏遍人間路
終覺青瑣味較深

鷺湖鹿洞古陶成此席人情已漸輕
零似老沾宮觀祿
稍貪名主玷壇盟
一江相接家猶近
孤館無喧地自清
只是惹他僮僕笑
有官不做做先生

寓齋東偏古樹二株高六七丈風聲特甚

萬齋岑寂足清哦長日垂簾映綠莎不合庭前有高樹
秋聲常比別家多

地近黃天蕩急流城居如在白蘋洲夢回夜半驚江漲
十丈風濤屋上頭

仙掌路

真州地名相傳柳耆卿墓在焉故王阮亭真州詩有殘月曉風
仙掌路何人爲弔柳屯山之句然曾達臣獨醒志耆卿死葬棗

陽縣之花山每歲清明詞人集其下爲
弔柳會則柳墓不在真州也或訛傳耳

一邱兩地各爭高只爲填詞絕世豪漢上有墳人弔柳
漳南多塚客疑曹金莖名竟移沙渚鐵板聲休唱浪淘
我趁曉風殘月到縱無魂在亦蕭騷

大儀鎮

韓勣王敗金兵處常
時謂中興第一戰功

拐于軍來捲地空小麾鳴鼓獨橫攻地非南戒千重險

戰是中興第一功滅寇暗隨朝使後魏良臣使金過其軍張

旗雜出敵兵中南軍旗幟與金軍錯出當時不是鏖爭力半壁誰支

汴泗東

龜山金海陵南營駐師被害地

百萬靴堪踢倒城雄師曾此暫安營忽為帳下刀砧肉

不待山頭草木兵濺血定驚人豕立裹監那及帝躬行

可憐一幅吳山畫立馬高峰竟不成海陵會畫立馬吳山第一峯圖吳山在杭城示欲取

宋也

訪真州館故址元臣郝經奉使至宋欲定和議賈似道領之真州館十六年乃得歸

龍蛇起陸殺機釁天意將殘億萬命誰何書生不解事

欲收蒼生與天競陽邏堡上兵南攻賈相披靡早避鋒

軍前密送通和議兵罷翻誇戰勝功一部福華編刻就
滿朝日眩廖瑩中北國未遑來責諾并教李璫休南掠
先生拜表自請行欲定金縉靖邊畧平章隻手正遮天
深恐來時泄前約暗檄真州守土臣留賓高館嚴扃鑰
從此重垣似地牢烏頭馬角望徒勞雖殊雪窖抵羣牧
肯作西關雞唱逃紀歲猶仍中統號年深著迹等身高
一雁當階如識意有書願爲憑空寄臣甫低頭拜杜鵑
尺縑血字將絲繫漢代曾傳雁足書昔是虛言今實事
釋以帛書繫雁足放去有人射得於金明池元祖聞之遣使詰宋乃得歸雁飛北去兵南翔白髮纍臣返
故疆人間遂有兩蘇武後先青史遙相望苦心未救兵
戈慘完節終垂日月光我來訪古尋遺跡父老依稀指

破驛中有孤忠十六年地底猶應土花碧

真州歸途作

盡日無人占路斜空濛細雨落如沙
一旗飄出青林外知有前村賣酒家

秋針

誰散銛鋒似嫩蕪纖柔不比劍裁蒲
引他梅雨絲絲縷繡出幽風幅幅圖
翠剡出波真刺水綠茫承露亦穿珠
笑看野老如槌指自詫拈針賽小姑

家約

老去惟耽懶味長自頒家約戒厨娘
何能爲汝薤鹽事費我吟詩錦繡腸

太湖暮歸

暝色湖波淨，舟行似鏡中。
天連秋水碧，霞借夕陽紅。
鴛飽翎梳雪，牛歸尾掉風。
葦間聞鼓枻，晚唱起漁翁。

山塘

老入歡場感易增，烟花猶記昔游曾。
酒樓舊日紅粧女，已似禪家退院僧。
半塘橋北好陰涼，殘醉扶來蕩畫航。
臨水數家門半掩，更無人處有垂楊。

一夕新歡曉已陳，黃金散後更誰親。
定情羅帕還留看，多少人間抱柱人。

普惠祠基築短墻，五人墓木獨蒼蒼。
山塘滿路皆脂粉，

可少秋風俠骨香

雜感

酒樓依舊繡簾垂
曾寄閒情杜牧之
紅粉已爲山下土
白頭增感髻邊絲
銀缸明燭傳觴令
錦瑟哀絃卻扇詞
老去風懷已銷歇
也因陳迹一含悲

簑衣仙歌

蘇州元妙觀樓壁上有松江楊某畫一披簑者
甚洒落而不著其姓名按此乃南宋何立世所
稱簑衣仙也張光弼簑衣仙詩引云宋押衙何
立泰太師差往東南第一峯勾幹恍惚人引至
陰司見秦對岳事令歸告夫人東窓事犯矣復

命後棄官學道蛻骨於蘓州元妙觀云宋史作
莎衣道人住平江天慶觀孝宗於宮中默有所
禱遣中使致贄而不言所以道人答詞輒與帝
意合史雖不言東窓事而其爲高孝時人可知
今元妙觀卽宋之天慶觀則楊生所畫正此故
事也爰題詩於其後俾覽者有所考焉

蓑衣仙旣非冒雨叱烏犍又非釣雪寒江邊脫屣妻孥
住道院麤麤茸草披兩肩出身曾作權門吏遣往東南
幹公事途遇主人對簿來三木囊頭杻拏臂囑傳口語
語夫人東窓事犯應難避歸來新殯已在門乃知所遇
正其魂喟然太息輪廻理世間冥報非空言遂脫押衙

靴笏去簑衣一領冬夏溫噫嘻乎權奸當朝快誅戮
顧阿鼻有地獄方謂陰司亦勢利生有餘威死餘福
地下構財尙鑄爐情面間羅不難熟所以當時格天閣
垂死猶傾數十族若無斯人親眼觀曷使世上好膽寒
畫師數典有深意莫作江湖逸客看

周長庚舊於坊刻詩選中見余名以爲古人也今
邂逅山塘具述傾注之意答詩誌愧

姓名忝附選樓文四十年來句已陳敢說魏三今隱士
竟疑陽五古賢人錦囊幸免遭投廁紅袖知誰肯拂塵
所愧暮年何所就猶將研削耗精神

夜醒得句

露氣涵虛庭羅幃早涼到三更月太明滿園鵲盡噪

題吳梅村集

才高綺歲早登科俄及滄桑劫運過仕隱半生榜散跡
興亡一代黍離歌死遲空羨淮王犬名盛難逃惠子鵠
猶勝絳雲樓下老老羞變怒罵人多

國亡時早養親還同是全生跡較閒幸未名登降表內

已甘身老著書間著緩冠紀畧等書將終老訪才林下程文海作賦江

南庾子山剩有沉吟偷活句令人想見淚痕斑為當年沉吟不斷草

閒偷活先生
臨歿時詞也

自西千村移居郡城顧塘橋卽事

江鄉久已剪蒿萊忽慕遷喬入郡來公老堂叨良友庇

本八官一詩亭太守勸買成陰樹感昔八栽宅有山茶一株大合抱為郡城之最兒童年到門

猶誤書卷纔裝篋再開怡與移居添故事村夫子竟住

樓臺

近市依然少市咻閒坊前後繞清流好聯北郭新吟社

城中程霖岩將立花葦詩社甚盛怡近東坡舊寓樓坡公晚年歿於願增橋孫氏宅距余舍數十餘丈未免

花時增酒費稍欣蒲節省船游宅後為口雲渡每歲午節龍舟畢集有水閣可坐觀回思

馬磨居貧日矮屋三間慣打頭

過青山莊故址已犁為田但有老樹四株而已

平泉花木綺羅叢臺圯池平一掃空今日惟餘四株樹

長身對立哭秋風

大雪戲作

蒼天高高地廓廓誰能力使兩相拍合成一个大冰壺
只有冬來雪花落雪花今日何其粗當空似被神鞭驅
凝寒所成固其理何以片片六出俱倘須一一雕鏤出
化工雖捷亦大愚初疑瓊屑糝徑厚旋訝玉蘂回枝枯
老梅亦復難自別香來始覺與衆殊同雲漠漠米家派
都將炭墨淡粉畫雲耶雪耶混一團莫辨覆盃仰盃卦
想見洪荒未闢時鷄卵中間涵沆瀣不煩七寶斧脩成
豈藉五色石補壞天公毋乃太作戲富貴騎人銀世界
老夫無物可鬬奇白鬚相映發光怪

萬壽重寧寺五十韻

樓閣彈指現華嚴本虛礙豈知化人居真有憑空起揚

州天寧寺寺後皆荆杞

翠華將南來歡騰遍婦子冀

仗佛緣慈仰邀

天顏喜於茲創蘭若頃刻幻紺紫廣殿俯城闔重簷接
象緯瓦筒黃流金飢甌碧滑水丹楹千步廊曰玉九層
祀綺疏明玻黎藻井琢瑜珥香浮篤耨醢雲湧妙鬘鬘
寶氣所盤鬱半空蒸霞綺飛鳥避而過日炫不敢視仙
靈亦俯驚偉麗孰初始其西爲僧寮網流養千指持偈
結趺深掛單行脚止鐘魚轉經藏餅拂淨裴几其東功
德林結撰意匠詭壘土屹同阜鑿地開沼沚陵谷出人
力造物亦聽使割峰靈驚飛驅石湖鼃徙連根移喬松
合抱植文梓一重一掩間房櫳透窰委複屋螺旋殼曲